



Inatsisartunut ilaasortaq Michael Rosing, Demokraatit
/MAANI

**Kilisaatini ikiaroornartumik nassaarnerup aamma aalisagartassiissutinik/
aalisarnissamut akuersissutinik tunniussinerup inatsisitigut ataqtigiinneri pillugit
§ 37 naapertorlugu apeqqummut nr. 43 2017-imeersumut akissutit**

Inatsisartut suleriaasissaanni § 37, imm. 1 naapertorlugu Naalakkersuisunut
apeqquteqaateqatigaatit. Apeqqutigineqartut uannit akisassanngortinneqarsimapput.

06-02-2017
Suliap nr. 2017-1867
All. nr. 1

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

- 1. "Naalakkersuisut tamarmiullutik tunuliaqutaanerlutik oqartoqarmat
aalisartitseqatigiiffiit aalisarnissamut akuersissummut itigartinneqarsinnaasut,
sulisorineqartut aalisartitseqatigiiffiup umiarsuaatai atorlugit hashimik anngiortumik
eqqussuisarpata?"**
- 2. "Naalakkersuisut isumaqarpat sullivik pillarneqarsinnaassasoq sulisut ajortuliaat
pissutigalugu?"**
- 3. "Naalakkersuisut isumaqarpat naalagaaffittut inatsisit tunngavigalugit
naalakkersorneqartutut taaneqartuaannarsinnaassasugut allaffissornikkut sullivinnut
akuersissutinik arsaarinnittassagutta sulisut inatsisiniq unioqqutitsinerat
pissutigalugu?"**

Apeqqutinut akissutit:

1 pillugu. Oqarama Kalaallit Nunaannut anngiortumik hashimik eqqusseriarneq
ilungersunartusoq Naalakkersuisut tamaasa sinnerlugit oqaaseqarpunga. Hash
inuiaqatigiinni annertuumik ajornartorsiutaavoq, ajornerpaatillugu meeqqanik
inuuusuttunillu eqquisartoq. Unammilligassamut tassunga tungatillugu tamatta
akisussaaffimmik tigusisariaqarpugut unammilligassallu taassuma ilungersunartup
aaqqiiffigineqarnissaa equeersimaartumik sulissutigalugu..

2 pillugu. Naalakkersuisut isumaqarput Kalaallit Nunaannut anngiortumik hashimik
eqqussuuniartarneq ilungersunartutut isigineqassasoq. Naalakkersuisut oqaatigaat inuk
suliffeqarfilluunniit eqqartuunneqarsinnaanersoq eqqartuussiviit nalilersugassarigaat.
Aalisarnermiit inuussutissarsiuteqartut nalunaarutigisimavaat aalisariutimik Kalaallit
Nunaannut anngiortumik hashimik eqqussuinermut atorneqarnissaat
pinngitsoortinniarlugu suliniuteqareerlutik. Nalaatsornerinnakkut aalisariummi

hashimik 20 kiluusumik nassaartoqarnerata takutippaa suliniutaasup tamatuma naammaginartumik ingerlanneqannginnera.

Aamma oqaatigineqarpoq inatsisitigut pisussaatitaasut pinerluttulerinermi inatsimmi aalajangersakkanik imaluunniit pinerluttulerinermi inatsit naapertorlugu inatsimmi allami atortuulersinneqarsimasumi aalajangersakkanik unioqqutitsisimasut akiliisinneqarnermik pineqaatissinneqarnissaat ullumikkut periarfissaareersoq.

Taamaalilluni inuk inatsisitigut pisinnaatitaasoq inummut inatsisitigut pisinnaatitaasumut inunnuluunniit inatsisitigut pisinnaatitaasunut attuumassuteqarluni unioqqutitsisimasoq pinerluutinut akisussatinneqarsinnaavoq.

3 pillugu. Naalakkersuisut isumaqarput Kalaallit Nunaata naalagaaffittut inatsisit tunngavigalugit naalakkersorneqartutut akuersaassanngikkaa inuit anngiortumik Kalaallit Nunaannut hashimik eqqusseriarnerat. Kalaallit Nunaannut hashimik eqqussuisarnerup akiorniarneqarnerani maanna iliuuserineqartut naammaginangitsuusut paasinarsippat piareersimavunga Naalakkersuisut sinneri suleqatigalugit suliniutit qanoq ittut hashimik eqqussuinissamut pinngitsoortitsisinnaasut misissuiffiginissaanut.

Inussiarnersumik inuulluaqqusillunga

Hans Enoksen